



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus IV. De reliquis ad hunc titulum pertinentibus.

---

[urn:nbn:de:hbz:466:1-73045](#)

nimiam, per quam, non concedenda, multoties conceduntur, & per ambitionem improbatam, ut plurimum extorqueantur, aperitur via sub tali palliatione verborum, ad promittenda dannabiliter contra Lateranense Concilium beneficiaria vacatura, mortis alienæ votum ingeritur, & Ecclesiis, ac Prælatis, & personis Ecclesiasticis gravamina plurima inferuntur: Nos, malis hujusmodi, & animarum periculis occurtere cupientes, *promissiones easdem, & alias quasunque, sub quovis modo, aut forma verborum, de cætero facendas, per quas directè, vel indirectè aperitur via valeat ad beneficia vacatura, auctoritate Apostolicâ penitus reprobamus, & omnino viribus vacuamus, decernentes, per eās, vel ipsorum aliquam, ad providendum alicui nullum deinceps quomodo libet obligari.*

<sup>844</sup> Ex hoc textu sequitur, quod, licet antiquo jure decretalium permissa fuerit promissio de beneficio conferendo adjecta clausula: *cum potero, vel, cum se facultas, aut occasio obtulerit*, ut constat à n. 836. jure tamen novo decretalium, etiam illam promissionem *non obstante illa clausula*, imò quavis alia, per quam via directè, vel indirectè aperitur ad beneficia vacatura, esse prohibitam, & invalidam ex claro textu Bonifacii VIII. In proximè relato c. *Detectanda*, ubi tamen nota, Constitutionem istam esse antiqui juris *correspondiam*, non autem declaratoriam, adeoque non extendi ad promissiones *ante illum factas*, sed tantum *futuras*, deinde illum loqui solum de actu, quo promittitur præbenda simpliciter, non autem eo, quo alicui conceditur aliquid, cui dispositione juris annexa est præbenda, qualis est receptio alicuius in Canonicum, ut supra dictum est.

#### ARTICULUS IV.

*De reliquis ad hunc titulum pertinentibus.*

<sup>845</sup> Pro ulteriori premissorum explicatio ne not. 1. poetas, de quibus n. non incurri ab eo, qui passus est *se institui in beneficio viventis*, ignorando, *illud non vacare legitimè*; nam sic non est in eo culpa, &c. in primis. 2. q. 1. §. de Episcopi, ad poenam depositionis exigit, quod

in viventis Ecclesia se institui *præsumperit*; quod etiam habetur in c. *Eum, qut, 7. q. 1.* ibi: qui in alterius loco eodem ministrare *præsumperit*. Not. 2. non incurri ab eo, qui viventi succedit, *ex justa causa deposito*, *Glossa fin. in c. 1. b. t.*

Not. 3. quando dicitur, quod promissio beneficii, non vacantis, *involvat votum mortis alienæ*, non intelligi, quod id habeat *ex naturae*, & *causaliter* (alias enim nec à summo Pontifice promitti posset beneficium nondum vacans) sed tantum *occasionaliter*; occasio autem ex natura rei stare potest sine occasionato, quamvis simmi Pontifices *etiam occasionem* velint remotam in his, qui vel recipiunt, vel provident Ecclesiastica beneficia. Et quamvis per scripturam rectè probetur facta beneficiorum promissio, non tamen rectè probatur *valida*, ut constat ex c. *ex tenore, de quo supr.*

Mot. 4. quamvis ex c. *Cum super. 8. b. t. 847* rectè probeatur, Clerico recepto in Canonicum alicuius Ecclesiae promitti posse, quod illi etiam providebitur de præbenda, cùm se facultas obtulerit, hanc tamen promissionem jure novo c. *Detectanda, de quon. 843.* non prohiberi, *ex num. 844.* nec exinde ab illa rectè fieri argumentum ad promissionem simpliciter de concedendo vacatu, cùm debitum præbenda in primo casu procedat à provisione *legis*, non in secundo, ut diximus superius.

Not. 5. quando dicimus beneficium *non vacans*, nec conferri, nec promitti posse, id intelligi etiam de quovis alio beneficio qualificato, quale est beneficium, cui annexus est personatus, officium, vel dignitas Ecclesiastica ex dict. c. *Detectanda in num. 843. & c. post electionem. 7. b. t.* ubi expressè sermo est de Archidiaconatu, alteri, cùm nondum vacaret, concessò, ut supra expositum est.

Not. 6. quando beneficium, legitimè <sup>848</sup> collatum, beneficiatus renuntiare, seu dimittere, *quond possessionem* per gravem, & injustum metum, extrinsecus incussum, directè ad extorquendam ejusmodi dimissionem, coactus est, posse illum nihilominus agere ad possessionem recuperandam; non obstante, quod alter interea in eo institutus sit; nec actionem ejus, exceptione factæ renuntiationis in judicio elidi, prout habetur *ex dict. supr. b. t.*

198 Tract. in Lib. III. Decretal. Quæstio IX.

Not. 7. Legatos à latere, post concordata Germania inter Nicolaum V. suo, & Successorum nomine, ac Fridericum III. Imperatorem, aliosque Principes, & Prælatos Germaniæ ex altera parte circa beneficia non reservata, sed subiecta provisioni Ordinariorum, probabiliter nihil posse in Germania, ea suæ provisioni reservando, prout alias possunt de jure communi; si enim Pontifex in vi eorum Concordatorum ipse statuit, ac promisit, se nolle in illis provisionem Ordinariorum impedire *preveniendo*, vel *reservando*, nequit non esse valde prudenter credibile, nec Legatos id posse contra expressum verbum Papæ, talis autem promissio habetur in Concordatis Germaniæ, §. in Cœteris vero, de quibus à n. 566.

849 Not. 8. quamvis aperti juris sit, promissiones beneficiorum, etiam *sub clausula generali* (quando potero, vel, cùm se obtulerit occasio) esse non tantum illicitas, sed etiam irritas, ac nullas jure novo decretalium, ut constat ex c. *Detectanda*, relato supr. posse tamen distinguiri *promissionem* in eam, quæ supplicanti faciat *solanam spem* obtainendi beneficium, quod vacaverit;

QVÆSTIO IX.  
IN TIT. IX. NE SEDE VACANTE  
ALIQUID INNOVETUR.

850 Cum hactenus egerimus de modo, quo Ecclesiis providendum sit in casu, quo illis Clericus, qui in eis ex officio divina peragat, præficiendus est, ac id regulariter penes Episcopos, & Prælatos Ecclesiæ, quibus id jus, ratione suæ dignitatis, vel muneric competit, residet: quaestioni, quæ fieri posset, quid agendum, si talis Ecclesia esset vidiua, hoc est, careret tunc Prælato (ut si obiisset &c.) & occurreret casus, quo alicui Ecclesiæ inferiori de Rectore novo, vel beneficiato providendum foret: hoc titulus responderetur. Per *sedem* hic intelligitur sedes Episcopalis, vel alia Prælatura, aut dignitas inferior cui facultas conferendi beneficia, vel alia jurisdictione competit, sic *Gloss. in c. I. de reb. Eccles. non alien. in 6. V. Ecclesia*. Per *vacantem*,

seu *vacationem venit*, quælibet vacatio *sedis*, sive per mortem, sive per renunciationem, translationem, aut modum alium, quo titulus, sive *Prælaturæ amittitur*, sic *Gloss. in c. unic. h. t. in 6. V. mortuo*: in Horticensi in summa *h. t. n. 2.* id extendit ad vacationem beneficii *solum interpretativam*, quando scilicet Episcopus, vel Prælatus *de jure est mutabilis* ad agendum; ut, si sit hereticus, excommunicatus, suspensus &c. tunc enim dicitur vacare *interpretative*. *Sedes* igitur *vacans* hic intelligitur quælibet Ecclesia Cathedralis, Collegiata, vel etiam Conventus Regularis, habens rationem Capituli, & carens Antistite suo, & hæc vacatio durat, dum ei de novo provisum sit: quæstio igitur est, penes quem in casu *sedis taliter vacantis* potestas, & jurisdictione sit?

ARTI-